

quelli di Lover mandato letere a noncii loro sono a Venetia, provedi di danari e li dagi. Quelli di Bergamo si arà duramente. Di Brexa non ha fato execution ancora, perchè sono assa' cargati in far le spese a' francesi come fanno zà tanti zorni. Scrive, saria bon Curtavilla non venisse sì presto, aziò li danari fusse- no preparati; il qual però di brieve sarà a Verona per letere di 21. Zercha li ducati 50 milia si manda per dar meza paga a le zente, scrive si vede esser in fuga. Monsignor di Lutrech vol i danari ha auto lui Provedador, di Bergamo ducati 1200 parte per la contribution, et ducati 800 di la camera di Brexa, 976 trati di sali. Scrive, ha servito brexani di ducati 2000. Ha scritto al provedador Gradenigo li mandi tutti li danari l'ha. Lutrech fa gran cose, incolpa lui a non haver li danari; sichè è disperato. Dice, Lutrech si vol partir; si duol che di Franza non habi aviso ni hordene di quello habbi a far il Governador, e lui Provedador è stato da lui per levar le ofese, ma non vol ancora. *Item*, sier Nicolò Bon camerlengo a Bergamo, li ha risposto troverà su li daciai ducati 10 milia contadi con danno di 25 per cento, ch' è gran danno. *Item*, dil zonzer Vizenzo Guidoto segretario dil provedador Gradenigo, va a Mantoa per li danari dia dar quel Marchese, di sali etc.

204\* Da poi disnar, fo Gran Consejo et fo *etiam* trato il palio a Lio.

Fo mandà zoso di Consejo sier Tomà Michiel qu. sier Francesco da San Canzian, visto per il Canzel- lier grandò che parlava a uno eletionario per far tuor sier Giacomo so' barba di la Zonta, et fo publicato esser cazuto a le leze, et mandato a le preson. *Item*, Antonio Mazaruol, è a la canzelaria, per aversi portato mal quando fo mandà a chiamar dito sier Tomà venisse a la Signoria, che era scoso in li banchi, e lui el vete e non volse chiamarlo, *unde* fo chiamati alcuni zentilhomeni sentavano in cao dil bancheo, qual lo acusono etc. però dito Mazaruol fo *etiam* lui mandato zoso et dito etc.

#### *Scurtinio di un Provedador al Sal.*

† Sier Nicolò Malipiero, fo di Pregadi, qu. sier Tomaxo, el qual, oltra ducati 800 prestò per Pregadi, portò contanti ducati 600 et dona il don . . . . . 98.21  
Sier Piero Marzelo, fo di Pregadi, qu. sier Alvise da Santa Marina, il qual, oltra ducati 700 prestò, dà al presente ducati 600 e il don . . . . . 27.92

Sier Beneto Valier, fo a le Raxon nove, qu. sier Antonio, ducati 500 contanti e il don . . . . . 72.52  
Sier Zuan Moro qu. sier Lunardo, ducati 800 e il don, di qual portò 600 . . . . . 64.56  
Sier Lorenzo Loredan, fo di la Zonta, qu. sier Nicolò, il qual, oltra ducati . . . . . prestò per la Zonta, oferse ducati 500 e dona il don . . . . . 65.54  
Sier Nicolò Marzelo, fo provedador sora la Camera d'imprestedì, qu. sier Zuane, ducati 505 e il don . . . . . 49.69  
Sier Francesco Erizo, fo di Pregadi, qu. sier Filippo, il qual, oltra ducati 800 prestò per Pregadi, portò ducati 500, e dona il don . . . . . 66.56  
Sier Alvise Foscarini, fo di Pregadi, qu. sier Marco, il qual, oltra ducati 600 prestò per Pregadi, portò ducati 500 e dona il don . . . . . 32.87

#### *Un Provedador di Comun.*

Sier Zuan Contarini, fo patron a Baruto, qu. sier Alvise, ducati 300 e il don, contanti . . . . . 64.48  
Sier Zuan Moro qu. sier Lunardo, ducati 300 contanti dil so' gropo e il don . . . . . 76.42  
† Sier Antonio Zorzi qu. sier Francesco qu. sier Hironimo, ducati 300 e il don, di qual portò 250 . . . . . 85.36  
Sier Bernardin Minoto *el grandò*, qu. sier Piero, ducati 250 e il don . . . . . 28.92

#### *Un Provedador a la Justicia nuova.*

Sier Nicolò Morexini di sier Zacaria da San Zuane Nuovo, ducati 300 e il don, e suo padre dona il don di ducati 1500 prestadi per lui. . . . . 62.56  
Sier Zuan Francesco Gradenigo, fo XL, qu. sier Lionelo, ducati 300 e il don, di qual portò contanti ducati 200 . . . . . 73.48  
† Sier Bernardin Michiel, fo zudexe di Petizion, qu. sier Mafio, ducati 400 e il don . . . . . 74.47  
Sier Zuan Arimondo, fo V di la Paxe, qu. sier Zorzi, ducati 400 e il don, di qual ducati 200 è in bancheo di Pixani . . . . . 40.82